



**PERATURAN
PANGUBURON
pakon
PERATURAN
PELAYANAN SAKRAMEN
I
G K P S**



**PERATURAN
PANGUBURON
I
G K P S**

Buha Sahap

Laho maningkathon horja pangidangion i GKPS khususni pasal panguburon, janah sadalan homa hubani usul ni Majelis Pandita GKPS tahun 2001 pasal peninjauan Peraturan Tentang Panguburon i GKPS, isusun janah itotapkon do Peraturan panguburon on.

Peraturan on domma ibahas pakon isatujui Sinode Bolon GKPS tahun 2003.

Bani Peraturan on adong do penyempurnaan pakon penambahan humbani Peraturan na lama na ianggap porlu domu hubani horja pangidangion janah na totap mardasar hubani pemahaman teologia ni GKPS.

Andohar ma marhitei na dob itotapkon Peraturan on, boi lambin dearni horja pangidangion i GKPS khususni pasal horja panguburon.

Pematangsiantar, 28 Juni 2003
Pimpinan Pusat GKPS

Pdt. Dr. Edison Munthe, MTh
Ephorus

Pdt. M. Rumanja Purba, MSi
Sekretaris Jenderal

PERATURAN PANGUBURAN I GKPS

B A B I

ARTI PAKON TUJUAN NI PANGUBURON

Pasal 1

1. Panguburon na sinobut bani Peraturan on ai ma sagala horja na mardomu hubani panguburon ni sada halak na dob matei, mamungkah hambani pangoromion nari ronsi manaruhkon na dob matei ai hu kuburan, ianan parsarananni paima roh ari parpuhoon, na idalankon Kuria.
2. Panguburon na sinobut bani paraturan on dihut do homa horja mangongkal holi bani halak Kristen pakon paragendaon bani halak Kristen na lape onga idalankon paragendaon bani parmateini.

Pasal 2

Tujuan ni pangidangion na idalankon Kuria ai ma gabe ambilan/apoh-apoh pakon pangarapan hubani halak na manggoluh.

B A B II

PANGOROMION

Pasal 3

Anggo adong anggota ni GKPS na matei, sipatugahon do hubani Majelis Jemaat anjaha Majelis Jemaat patugahkon hubani Kuria marhitei na pahata giring-giring, tugah-tugah, pakon marhitei tingting i Kuria.

Pasal 4

Pangoromion na sinobut bani Peraturan on ai ma sagala horja mamungkah hambani na marujung goluhni sada anggota kuria das hubani horja panorang paima paragendaon.

Pasal 5

Tanggung jawab ni Majelis Jemaat do sonai age pagori ni Kuria manjaga ase haganup horja sadokah mangoromi, horja adat, ase tongtong romban hubani arti ni panguburon mangihutkon ha-Kristenon ase ulang masa ijai horja hasipajuh begu-beguon.

Pasal 6

Sibahenon ni Majelis Jemaat pakon pagori ni Kuria do pangapohon hubani diha-diha tinading ni na matei ai.

B A B III

HORJA PARAGENDAON PANGUBURON

Pasal 7

1. Horja Paragendaon panguburon na sinobut bani Paraturan on ai ma paragendaon (Liturgi) paingkathon halak na dob matei hubani ianan parsarananni paima ari parpuhoon, mangihutkon Liturgi Panguburon GKPS, na ipungkah dob salosei horja pangoromion das hubani horja na manamburi i panimbunan.
2. Tanggung jawab ni Majelis Jemaat do mandalankon paragendaon panguburon.
3. Anggo iboan do hu Gereja bangkei ni na dob matei ai, i Gereja do pungkahon paragendaon na idalankon Pandita janah lang boi be pamasao horja adat ijai.

Pasal 8

Horja panguburon maningon ondoshonon ni diha-diha tinading ni na matei ai do hubani Kuria age pe tong do diha-diha tinading ni na matei ai do na mangkasuhutkon.

Pasal 9

1. Horja paragendaon panguburon padalanon hubani anggota ni GKPS na dob matei, age pe anggota persiapan.
2. Anggo anggota siasat do na matei, Majelis Jemaat ma manimbangi domu hubani siasat Gereja, padalanon do paragendaon panguburon hubani atap lang.

Pasal 10

Pasal panorang pardokahni ase ikuburhon sada halak na dob matei maningon parlobei manriah ma hasuhuton pakon Majelis Jemaat setempat.

Pasal 11

1. Bangkei ni Pandita, Penginjil, Sintua na dob manjalo tohonan, i Gereja do pungkahon paragendaon panguburon.
2. Bangkei ni Sintua na lape manjalo tohonan, Syamas pakon Ketua Seksi boi do i boan hu Gereja.

3. Bangkei ni Pagori ni Kuria pe boi do iboan hu Gereja anggo adong pangindoan ni diha-diha tinading ni na matei ai na isatujui Majelis Jemaat pakon Pandita Resort.

B A B IV

MANGONGKAL HOLI

Pasal 12

1. Bani na mangongkal holi-holi, tanggung jawab ni Majelis Jemaat pakon Pagori ni Kuria do ase ulang masa ijai horja hasipajuh begu-beguon.
2. Horja na mangongkal holi-holi ni na dob matei boi do pamasaon ibagas arti mangosor kuburan.
3. Anggo lape hinan ipadalan paragendaon sanggah panguburon, hape diha-diha tinading ni na matei ai mangindo ase bahenon paragendaon boi do ai dalanhonon, dob satuju Majelis Jemaat pakon Pandita Resort, ai ma : Anggo iongkal holi-holi ai padalanon ma paragendaon sanggah na pamasukkon holi-holi ai hubani kuburan na baru. Anggo seng iongkal holi-holi ai ipadalan ma paragendaon i kuburan ai.

B A B V

K U B U R A N

Pasal 13

Kuburan ai ma ianan parsaranan ni halak na dob matei paima ari parpuhoon, na lanjar gabe tanda bani halak na manggoluh na paingathon pasal parbois ni goluh ni.

Pasal 14

Lang adong be hubungan ni na matei hubani na manggoluh ibagas arti lang boi be na matei ai mambere atap pe manjalo barang aha pe hubani / humbani halak na manggoluh, halani ai lang boi pamasaon horja hasipajuh begu-beguon sanggah panorang ziarah.

B A B VI

HATONTUAN PANUTUP

Pasal 15

1. Paraturan-paraturan GKPS na mardomu hubani panguburon na das hubani sonari torus marlaku anjaha lang onggga icabut janah lang marlawanan hubani Paraturan on totap do marlaku.

2. Na lang iatur ope atap na hurang tangkas iatur bani Paraturan Panguburon on iondoskon ma ai hubani Pandita Resort laho manontuhon.



**PERATURAN
PELAYANAN SAKRAMEN
I
G K P S**

Buha Sahap

Laho maningkathon horja pangidangion khususni pasal pelayanan Sakramen, janah sadalan homa hubani usul ni Majelis Pandita GKPS tahun 2001 pasal peninjauan Peraturan Pelayanan Sakramen i GKPS, isusun janah itotapkan do Peraturan Pelayanan Sakramen on.

Peraturan on domma ibahas pakon isatujui Sinode Bolon GKPS tahun 2003.

Bani Peraturan on adong do penyempurnaan pakon penambahan humbani Peraturan na lama na ianggap porlu domu hubani horja pangidangion janah na tetap mardasar hubani pemahaman teologia ni GKPS.

Andohar ma marhitei na dob itotapkan Peraturan on, boi lambin dear ni horja pangidangion i GKPS khusus ni pasal Pelayanan Sakramen.

Pematangsiantar, 28 Juni 2003
Pimpinan Pusat GKPS

Pdt. Dr. Edison Munthe, MTh.
Ephorus

Pdt. M. Rumanja Purba, MSi
Sekretaris Jenderal

PERATURAN PELAYANAN SAKRAMEN I GKPS

BAB I ARTI PAKON TUJUAN NI SAKRAMEN

Pasal 1

Sakramen ai ma horja na tinonahkon pakon na iparentahkon Tuhan Jesus hubani halak na porsaya na gabe parhiteian pakon hataridahon ni rusia ni idop ni uhur ni Naibata mambere hasasapan ni dousa, goluh na baru pakon parsaoan na baru hu-Bani pakon dampak hasoman jolma.

Pasal 2

Sakramen ai ma Pandidion Napansing pakon Horja Banggal Napansing.

Pasal 3

Pandidion Napansing ai ma mandidi sasahalak hubagas goran ni Naibata Bapa pakon Tuhan Jesus Kristus ampa Tonduy Napansing, marhitei bah na marantup Hata ni Naibata, na gabe tokan (jaminan) ni haluahonni hubagas harajaon ni Naibata (Mateus 28:19).
Horja Banggal Napansing ai ma manjalo ruti pakon anggur na marantup Hata ni Naibata na gabe parhiteian ni daging pakon daroh ni Tuhan Jesus Kristus, gabe pardingatan Bani (1 Korint 11:24-25).

Pasal 4

Tujuan ni Sakramen ai ma ase ganup pagori ni Kuria in manggoluh janah mangkagoluhkon idop ni uhur ni Naibata ibagas Kristus marhitei na marhaporsayaon, marpangarapan pakon margoluh na baru.

Pasal 5

Na imaksud Pelayanan Sakramen i GKPS ai ma pengaturan ni sagala horja na mardomu hubani pelayanan Sakramen, mamungkah humbani persiapan das hubani pelaksanaan ni.

BAB II PANDIDION NAPANSING

Pasal 6

1. Na boi manjalo Pandidion Napansing ai ma Anggota Persiapan.
2. Na imaksud Anggota Persiapan ai ma :

- 2.1. Dakdanak ni Kristen
- 2.2. Anak angkat ni Kristen
- 2.3. Parguru Tardidi.

Pasal 7

1. Na sinobut dakdanak ni Kristen ai ma :
 - 1.1. Dakdanak ni anggota Sidi.
 - 1.2. Dakdanak, na orangtua sada hansa anggota Sidi.
2. Na sinobut anak angkat ni Kristen ai ma anak angkat ni anggota Sidi na dob isyahkon secara hukum atap adat na marsurat hatorangan anjaha domma itingtinghon i Kuria.
3. Na sinobut parguru tardidi ai ma haganup anggota persiapan na mandihuti Parguruan tardidi magodang tarmasuk pakon dakdanak ni.

Pasal 8

Hawajiban ni anggota Sidi do sapodas-podas ni Padidihon dob tubuh dakdanak ni atap anak angkat ni na dob isyahkon dakdanak ai gabe anak angkat ni.

Pasal 9

1. Namatoras na laho padidihon dakdanakni / anak angkatni maningon parlobei mandihuti parguruan na iadongkon ni Kuria bani panorang pakon ianan na itontuhon marhitei tingting i Kuria, baru pe ase boi padidihon.
2. Lang sijaloon padidihon niombah anggo lang sirsir bapa pakon inang mandihuti parguruan pandidion, legan ma na mabalu atap na i darat ni Kuria salopah. Anggo adong hal-hal na luar biasa maningon parlobei ilapurhon do bani Pandita Resort.

Pasal 10

1. I Gereja do adongkonon panjaloon bani parguru tardidi sanggah bani Kebaktian Minggu mangihutkon Liturgi GKPS.
2. Parguru tardidi na magodang ase boi ia (pakon dakdanakni) tardidi, ningon palobei mansaloseihon parguruanni domu hubani na itontuhon Majelis Jemaat.
3. Na sinobut tardidi magodang ai ma na dob marumur 15 tahun hu atas.
4. Lang boi tardidi tarolos parguru tardidi.

Pasal 11

1. Pandidion na tarolos bahenon pitah hubani dakdanak / anak angkat ni anggota Sidi na boritan parah.
2. Anggo horas do dakdanak ai, ningon boanon do use bani pandidion na mangihut ase manjalo pasu-pasu pandidion.

Pasal 12

1. Ganup pandidion iadongkon sanggah Kebaktian Minggu / Hari Besar Gerejawi sobali pandidion na tarolos.
2. Pandidion na iadongkon sanggah Kebaktian Minggu / Hari Besar Gerejawi ningon lobei itingtinghon dua (2) minggu padodot.

Pasal 13

1. Pandita do na mandalankon pandidion.
2. Boi do Parhorja ni Kuria mandalankon pandidion na tarolos, boi do homa age anggota Sidi mandalankon pandidion ai anggo lang jumpah Parhorja ni Kuria.

Pasal 14

Pandidion idalankon mangihutkon Liturgi Pandidion i GKPS.

Pasal 15

1. Bahenon do registrasi ni na tardidi i Kuria pakon i Resort.
2. Sibereon do Surat Pandidion hubani na tardidi.

Pasal 16

1. Hawajiban ni Anggota Baptis GKPS do Manaksihon Haporsayaon (Sidi).
2. Na tardidi magodang seng pala Manaksihon Haporsayaon (Sidi) be.

B A B III HORJA BANGGAL NAPANSING

Pasal 17

1. Na boi manjalo Horja Banggal Napansing ai ma anggota Sidi GKPS pakon anggota Sidi Non-GKPS.
2. Hawajiban ni haganup anggota Sidi do mandihuti Horja Banggal Napansing.

Pasal 18

Na laho manjalo Horja Banggal Napansing siusahahononni do marguru Horja Banggal Napansing na iadongkon ni Kuria bani panorang na itontuhon marhitei tingting i Kuria.

Pasal 19

Horja Banggal Napansing iadongkon i Gereja, i rumah atap bani ianan partumpuan na iadongkon Kuria.

Pasal 20

1. Anggota Sidi na dob mandihuti parguruan Horja Banggal Napansing tapi lang tardalanisi hu Gereja halani boritan sanggah iadongkon Horja Banggal Napansing ai, boi do bereon Horja Banggal Napansing hubani anggo ipangindo.
2. Anggota Sidi na boritan, na ringgas hinan do ia mandihuti Horja Banggal Napansing na dob in, boi do bereon Horja Banggal Napansing hubani anggo ipangindo.
3. Dalankonon do Horja Banggal Napansing hubani anggota Sidi na dob lanjut usia na lang boi be roh hu Gereja anggo ipangindo.
4. Anggota Sidi na boritan parah boi do manjalo HBN ai ma anggo dong ope kesadaranni age marhitei bohi (mimik) tumang ia marbalos.
5. Anggota Siasat na boritan parah na mangindo Horja Banggal Napansing dob manolsoli dousani i lobei ni Pandita pakon Parhorja ni Kuria, itimbangi pakon iputushon Majelis Jemaat ma boi bereon atap lang.

Pasal 21

1. Pandita do na mandalankon Horja Banggal Napansing.
2. Horja Banggal Napansing idalankon mangihutkon Liturgi Horja Banggal Napansing i GKPS.

Pasal 22

Sipareksaon ni Parhorja ni Kuria do anggota Sidi na hurang ringgas atap na so onnga mandihuti Horja Banggal Napansing.

B A B IV HATONTUAN PANUTUP

Pasal 23

Na lang iatur ope atap hurang tangkas iatur bani Peraturan Pelayanan Sakramen on, iondoskon ma ai hubani Pandita Resort pakon Majelis Jemaat laho manontuhon.

Pimpinan Pusat GKPS